

Prome produccion di grupo Melodia

ORANJESTAD - Diabierna ultimo a tuma luga lansamento oficial di e grupo nobo "Melodia" y na mes momento a lansa nan produccion titula "Mi Bon Amigo". Grupo Melodia ta un grupo musical cu a nace den mi-

tar di aña 2011 despues di a graba un produccion di gospel cu ta bira e prome disco compacto di e grupo. Melodia consistiendo di hobennan talentoso cantando y tocando diferente ritmo y cancionnan



videoclip cu tambe a ser presenta cu pronto lo ta na nos t.v. local.

Durante e grabacion aki sigur mester gradici na prome luga Papa Dios cu a duna tur e musiconan y cantantenan e talento pa por presenta un bunita musica asina, tambe un palabra di gradicimento na esun cu a encarga cu grabacion y mescla, Sr. Jorge Faro pa tur su pasenshi durante e dianan

popular y tambe pronto cu composicionnan nobo. Den algun festivalnan cultural di ultimo tempo, por a presencia algun di e hobennan aki cantando y tocando algun bunita composicion, melodia y ritmo, cu finalmente a termina den premiacion.

Lansando e prome CD aki di gospel, ta demostra e caracter skerpi y diferente di e grupo, presentando e biaha aki un musica relajante tocando solamente cu instrumentonan di cuerde.

E grupo ta consisti di e siguiente integrantenan: Rubin Ponson, Kiziah Trimon, Armandito Villasmil, Mandy Villasmil, Tim Fowler, Kayla Villasmil, Rudolph Lesire, Gritsanne Boezem, Xyqion Arends, Ghislaine Boezem, Jonkevin Wernet, Genelly Gamarra y Kimberly Hernandez.

E album "Mi Bon Amigo" tin 9 cancion popular di gospel pa grandi y chikito, y tur den nos dushi papiamento cual letranan a ser traduci pa Maybeline Arends y uno pa Rubin Ponson.

Ta un orguyo pa e grupo "Melodia" pa cuminsa di e forma aki, lansando nan mes como un grupo musical nobo y alabes un disco compacto nobo.

Tawata un trabou grandi tras di lomba pero sin dificultad, pa haci e produccion aki un realidad y na mes momento reuni e musiconan pa forma parti di e grupo.

Cu e musica relajante y cancionnan cu ta papia di nos amigo, den e caso aki nos gran amigo y bon amigo, nos Amigo Dios, cu ta den cielo, na tera y



lama, tawata e guia pa e ceremonia pa lansa e produccion aki.

Pa esaki mester gradici Sra. Osyth Henriquez cu e ofrece e bunita restaurant "The Old Man and the Sea" situa na Savaneta den un ambiente fresco canto di lama cu aire di lama uzando santo y lama pa e ceremonia.

Cu un cantidad di invitado tur bisti na blanco, e ceremonia a tuma luga caminda cu Sr. Stephen Daal tawata tin e honor pa medio di un palo di lama ta basha nos bunita santo blanco riba e disco y Sra. Maybeline Arends-Croes cu un calco ta basha e awa di lama riba e disco y asina oficialmente lansa tanto e grupo como e disco oficialmente.

Cu un aplauso grandi di tur esnan presente esaki a termina pa despues tur hende por a brinda pa esaki y cu snacks y un dushi catering di "The Old Man and the Sea".

Durante e atardi por a gosa di un slideshow cu diferente potret nan durante e grabacionnan, trainingnan etc. y pa finalmente un

den studio, na Sr. Gregory Croes cu tambe a yuda den grabacion, tambe na e famia di cada uno cu a haci e grabacion, pa nan pasenshi pa e oranan largo for di cas, grupo Melange cu a graba e coro den 3 cancion, y por ultimo pero sin lubida Sra. Maybeline Arends-Croes cu tambe a sa di guia tur e muchanan den studio pa resona nan bunita bos.

Pa haci tur esaki posibel sigur tawata tin gastonan involvi cu parcialmente a wordo cubri pa un sponser cu tambe "Melodia" kier a yama danki, cu ta "Interport" di Sr. Stephen Daal.

Asina "Melodia" ta contribui cu un obra sano pa nos hubentud y spera di haya e sosten di pueblo y patrocinadonan pa por sigui cu mas produccion y presentacionnan caminda ta posibel.

Awor preparando pa fin di aña pa despues "Melodia" sigui dedica na tur temporada di aña, pronto lo por scucha mas di "Melodia" pa trece bunita composicionnan, ritmonan alegre y dushi canto. Musica ta bida...□